

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-384/25
Vareš, 26.03. 2025. godine

Na osnovu Odluke o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš, broj: 01-68/14 od 27.02. 2014. godine, Općinski načelnik objavljuje

JAVNI POZIV
za odabir korisnika sredstava Budžeta Općine Vareš za 2025. godinu iz Granta za
neprofitne organizacije u ukupnom iznosu od 24.000,00 KM

I
(Pravo učešća)

Pravo učešća po ovom Javnom pozivu imaju:

- udruženja;
- fondacije;
- sportska društva i klubovi.

II
(Uslovi za korištenje budžetskih sredstava)

Sredstva se dodjeljuju udruženjima, fondacijama, sportskim društvima, i klubovima koji su registrovani u Bosni i Hercegovini, imaju sjedište na području općine Vareš, a čiji projekti su kandidovani za finansiranje iz Budžeta Općine Vareš za 2025. godinu i realizuju se u interesu i na području općine Vareš.

Sredstva se mogu dodijeliti i udruženjima, fondacijama, sportskim društvima i klubovima čije je sjedište na teritoriji druge općine, pod uslovom da se projekat realizuje u interesu općine i u potpunosti na području općine Vareš.

Maksimalni iznos koji može biti odobren po projektu je 3.000,00 KM.

III
(Vrste projekata koji će se finansirati)

Sredstva se dodjeljuju za:

- projekte koji doprinose unapređenju socijalne inkluzije najranjivijih socijalnih kategorija;
- projekte koje razvijaju i jačaju ulogu žena u lokalnoj zajednici;
- projekte koji doprinose afirmaciji i očuvanju kulturno-historijskog naslijeđa;
- projekte koji afirmiraju turističke potencijale, doprinose razvoju turističke ponude i zaštite okoliša;
- projekte koji doprinose jačanju i razvoju sporta i fizičke kulture i organizovanju sportskih takmičenja.

IV (Potrebna dokumentacija)

Aplikacije za ovaj poziv popunjavaju se isključivo na obrascima koji se mogu preuzeti na **Info pultu** Općine Vareš, ul. Zvijezda br. 34, ili na oficijelnoj web stranici Općine www.vares.info.

Svi podnosioci prijave za dodjelu sredstava, obavezni su dostaviti sljedeću dokumentaciju:

- Ispravno popunjen prijavi obrazac;
- Rješenje o registraciji udruženja/fondacije (posljednja izmjena);
- Uvjerenje o poreznoj registraciji (ID broj);
- Potvrda poslovne banke o vlasništvu i broju transakcijskog računa i da isti nije blokiran (ne starije od tri mjeseca);
- Izvod/Izvadak iz Registra udruženja koji nije stariji od tri mjeseca (dokument izdaje nadležno ministarstvo);
- Detaljan opis projekta po fazama, sa jasnom definicijom ciljne grupe, očekivanim rezultatima, te specifikacijom troškova za realizaciju;
- Izvještaj o održanoj skupštini udruženja;
- Uvjerenje Poreske uprave o izmirenim obavezama po osnovu poreza, obaveznih dobrinosa i javnih prihoda;
- Bilans stanja i Bilans uspjeha za 2024. godinu ovjeren od ovlaštene agencije.

Svi dokumenti koji se predaju moraju biti originali ili ovjerene fotokopije ne starije od tri mjeseca.

V (Dostavljanje dokumentacije)

Prijedlozi projekata sa potrebnom dokumentacijom dostavljaju se u zatvorenoj koverti putem protokola Općine Vareš ili preporučenom poštom na adresu: Općina Vareš, Služba za opću upravu, društvene djelatnosti i boračko-invalidsku zaštitu, Zvijezda 34, 71330 Vareš sa naznakom: "Prijava na Javni poziv – Grant za neprofitne organizacije – NE OTVARATI".

Javni poziv ostaje otvoren 15 dana od dana objavljivanja na oglasnoj tabli Općine Vareš. Krajnji rok za dostavljanje prijava je 10.04. 2025. godine.

VI (Završne odredbe)

Nepotpune i neblagovremene prijave neće se uzeti u razmatranje.

Aplikantima kojima su u prošloj godini odobrena sredstva iz budžeta Općine Vareš, a nisu dostavili izvještaj o utrošku, neće biti odobrena sredstva za projekte u 2025. godini.

Služba za opću upravu, društvene djelatnosti i boračko-invalidsku zaštitu će pojedinačno obavijestiti sve aplikante o izboru projekata po ovom Javnom pozivu.



OPĆINSKI NAČELNIK
Zdravko Marošević
Zdravko Marošević